

cujus de morfu cruciatam et territam inde fugisse, et crebra capitis qualificatione Lucium in terram deiecit, quem ille palpitantem et in aquam redire conantem cepit, domumque tulit. Anseris pullos duos in ejusdem repertos ventre se vidisse, quidam Polonus testatur, idem et fulicam inventam, et pedem ancillae in piscina ab eodem admorsum prodit. Tam avide pisces persequitur, ut prae nimio celeritatis impetu, supra aquas elatus, in scaphas incidat, quod me vidisse, cum Anno MDCXXI. in meo ex Anglia reditu, Landsberga noctu scapha veherer, memini. A porculo seu minore perca abstinere quidam credunt, alii apprehenso capite devorare, ne si cauda arriperet, a squammis et spinis laederetur, opinantur. Albertus captum dentibus conterere, mortuum in ventrem propellere, vivum non devorari, prodidit. Summam ranae cum Lucio antipathiam, eleganti Historia expressit Dubravius, quem vide. *Vitam* ei longissimam ex Lucio Friderici II. Imperatoris cognosci potest, quem in stagno quodam vixisse CCLXVII. annis ex annuli aerei, quem cum stagno eum Imperator inderet, in branchiis sub cute abdiderat, inscriptione Graeca colligitur, quae talis est. *Εγώ ἐκεῖνος ἰχθύς ταύτη λίμνη παντόπρωτος ἐπιτεθείς διὰ τὴ κοσμητὴ Φεδερικὸς β. ταῖς χεῖρας ἐν τῇ ἡμέρᾳ τῇ δεκάτῃ*, id est, *Ego sum ille piscis huic stagno omnium primus impositus per mundi rectoris Friderici II. manus, die quinto Octobr.* Fuit enim inventus iste annulus in capto eo Lucio anno salutis MCCCCXCVII. ut testatur Conradus Celtes, referente Gesnero in sua Epistola nuncupatoria. De ejusdem *vivacitate* ita Cardanus. Mirum est illud, quod a tot

audivi viris, ut impudentius fuerit tot testibus mendacium non credere, quam veritatem adversus eorum auctoritatem tueri: Lucium scisso ventre ostendendi lactis causa; inde confuto atque inter Tincas in vivariis reposito, sanari humore earum, dum se illis Lucius ventre affricat. Martio Aprilique mensibus *ovis* turgent et pariunt, perguntque ad Junium usque. Alii e Tincarum semine generari credunt. Quidam et sponte et ex alieno semine provenire, quod neque soli neque sati procreentur in eis, opinantur. Ex ovo editos, a quibusdam piscibus intra Branchias foveri, Encelii nugae sunt. Quantum ad *Usus in cibis* Jovius inter obsonia plebeja recenset. Poggius etiam ex Cymino lacu, et quidem praepingui, nullam unquam inesse gratiam scripsit, nisi cum solus in maxima convivarum inedia prandiis apponitur. Thrasymenus lacus laudatioris profert. Braccianus, qui olim Sabbatinus, inferiores. In Gallia tamen, Germania et alibi tantae putatur salubritatis, ut Adamus Lonicerus etiam puerperis concedat. Pinguioribus tamen sunt Julio mense et Octobri laudatioribus, quibus Cyprini soboles: in piscinis esse deteriores cum semina spargunt. Ab Arnoldo interdurae carnis pisces recensetur, sunt qui caudam et partem posteriorem praeferunt. Mediae aetatis meo iudicio optimi sunt. Ova piscatores circa Argentinam tanquam medicata abjiciunt. Gesnero sunt aequae ut Barbi noxia. Apud nos absque periculo in usu. *Usus in medicina* quod spectat, Mandibula in pulverem redacta in Calculo, urinae difficultate, et pleuritide usurpatur. Saliti ossa pulverizata spodii vicem praestant, et ulcera exsiccant.

CAPVT VI.

De Cyprino.

TAB. XXVII II. 12. TAB. XXIX. 2. 3. 4. 6. Aldrov. l. 5. c. 40. **C**YPRINUS Oppiano *κυπρινός* dicitur. Nomen forte a Cypride, ut Gesnero placet, quod foecundissimus sit, fortitus est, ut *λεπιδώτις* apud Athenaeum, vel a squammis seu latissimis et maximis, ut Rondeletio visum, seu

ita firmiter vallatis, ut lapidis ictus facile repellatur, ut Bellonius credit. *Carpam* Cassiodorus vocat, Bravolus ob magnitudinem *Reginam*, *Carpionem* alii. Craffior est magis quam longior, nec ulli piscium magis quam

Cassiod. l. 12. Epist. 4.